

جریدہ علیہ

مشجعت جلید اسلامیک جریده رسمیه سیدر

ذی الحجہ سنہ ۱۳۳۸

عدد ۶۲

اون بش کونده بر نشر اولنور

شعبی سنہ

فتاویٰ شریفہ

مہر

ہند صغیرہ بی ولی اقرب زید مہر مثیلہ کفری عمرو صغیرہ تزویج ایدوب عمروک باباسی بکر دخی قبول آیتدکنصکرہ عمرو فوت اولوب مالی اولماسہ بکر مہرہ ضامن اولمش دکل ایکن ہندک وصیسی بشر بکرہ مجرد عمروک باباسی اولمکلہ ہندک مہرینی مالکدن ادا ایلہ دیو جبرہ قادر اولورمی الجواب اولماز .

* *

رضاع

زید نسباً قیز قرنداشی ہندک رضاعاً قیز قرنداشی زینی تزویج مراد آیتدکدہ زینب زیدک والدہسنی امش اولماحق زینی تزویج جائز اولورمی الجواب اولور .

* *

طلاق

زید عمرو و بکرہ ہندی قارشیمہ چیقارار ویانمہ کتیرسہ کز زینب بندن بوش اولسون دیدکدنصکرہ عمرو و بکر ہندی زیدک قارشیمہ چیقاروب یانہ کتیرسہلر زینب زیددن برطلاق بوش اولورمی الجواب اولور .

بوصورتدہ زینب مقدما زیددن ایکی طلاق ایلہ مطلقہ اولمغلہ زید زینی بلا حلہ تزویجہ قادر اولورمی الجواب اولماز .

* *

خلع

ہند زوجی زید ایلہ مہر ونفقہ عدتی اوزرینہ خلع اولدقنصکرہ ہند نادمہ اولوب زیددن مہر ونفقہ نامتہ نسنہ المغہ قادر اولورمی الجواب اولماز .

* *

رؤیت صغیر

یدی یاشنی تکمیل ایدن زید صغیری لابوین عمی عمروامساک ایتمکدہ ایکن زیدک اناسی ہند ہرکون کلوب زیدی کورمک ایستدکدہ عمرو بن زیدی اصلا کوسترم دیو کورمکدن منعہ قادر اولورمی الجواب اولماز .

* *

صورت تصویری

زید مسلمک انسان وسائر ذی روح اولان حیوان صورتلرینی علی کل حال تصویری
شرعا حرام اولورمی الجواب اولور .
بو صورتده صور مذکورہ نك خانه وسائر مواضعده اتخاذی تحریم مکرره اولورمی
الجواب اولور .

فضولا بیع

زیدك قیزی هند کیره حاضرده دکل ایکن زید هندك ملک منزلی فضولا عمروه
بیع وتسليم ایلسه هند بیعی بخیزه اولیوب منزلی عمرودن آلمغه قادره اولورمی
الجواب اولور .

جهت

زید برجهته براتله متصرف ایکن عمرو آستانه واروب زید فوت اولدی دیو خلاف
واقع اعلام ایتمکله زیدك فوتی واقع ایسه عمرو متصرف اوله دیو عمروه برات ویرلسه
زیدك فوتی غیر واقع ایکن عمرو مجرد براتم واردر دیو جهت مزبوردهی ضبطه قادر
اولورمی الجواب اولماز .

هبه

زفاف دوکونلرنده کلان هدیهلری ایجابی کیمک ایچون کتوردکلرینی بیلدرمشلر
ایسه آنک اولوب بیلدرمامشلسه کیندولرندن دخی سؤال ممکن اولماسه عرف وعادته
رعایت اولنمق لازمه اولورمی الجواب اولور .

مرور زمان

زید مدت سفر بعید آخر دیاره کیتدکده عمرو زیدك ملک منزلی ایله عرصه سنی تغلبا
ضبط ایدوب لیکن زید آخر دیارده اونوز سنه مکث ایتمکله بومدتمده دعوی ایدمه ماسه
حالا زید کلوب اول منزل وعرصه بی عمرودن دعوی مراد ایتدکده عمرو مجرد اونوز

سنه مرور ایتمکه دعواک مسموعه اولماز دیو زیدی دعوادن منع قدر اولورمی الجواب اولماز .

* * *

مفقود

زید موقع حربده اعدا ایله محاربه ایتد کدنصکره مفقود اولوب حیات و مماتی معلوم اولماسه زیدک مماتی غالب ظن اوله جق مرتبه مدت مرورندنصکره موتیله حکم اولنق صحیح اولورمی الجواب اولور .

بوصورتده زیدک موتنه حکمک لحوقندنصکره زوجہ سی هند بعدانقضاء العده نفسی آخره تزویج و ورثہ سی ترکہ سی مسئله میراثلری وجهله تقسیم ایتمکه قدر اولورلری الجواب اولورلر .

کتابه الفقیر

دری زاده السید عبدالله

عفی عنهما

* * *

تصحیح :

جریده علمیه نک (۶۰) بجی نسخه سنک ایکنجی صحیفه سنک ایکنجی فتوا سنک بشنجی سطرندہ ترتیب سهوی ارلہرق واقع اولان (امری ثابت اولسه) یرینه « امری ثابت اولماسه » اوله جقدر .

